



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 49. Pacta cum alexio juniore inita.

---

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

At Papa, hac expeditione comperta, <sup>Sæcul. XIII.</sup> ad Crucigeros dedit Epistolam, in cuius <sup>A.C. 1202.</sup> fronte nec Salutem nec Benedictionem ponens tanquam excommunicatos alloquitur. <sup>5. ep. 161.</sup> *Cives Jaderæ, inquit, arbitrio* <sup>Gest. n. 86:</sup> *nostro se se subjecturos in causa sua cum Venetis pendente promiserant; cum non audirentur, Cruces in murorum suorum ambitu suspenderunt, ut saltem Christi reverentia hostes Christianos arceret. Vos vero, spreto Crucifixo, urbem ad deditionem compulistis, Cardinalem Petrum Legatum nostrum vobis præcepta nostra exponentem, & literas nostras tandem coram vobis publice recitatas rejecistis. Veneti vobis spectantibus infausta urbis mania everterunt, Ecclesias spoliarunt, aedes diruerunt, vosque cum iis sacrilegam prædam partiti estis. In fine prohibet, ne Jaderensibus ultimam inferant perniciem, jubetque curare, ut Regi Hungariæ ablata restituantur.*

§. XLIX.

*Padta cum Alexio juniore inita.*

Inter hæc Jaderam perveniunt Regis Philippi Sueviæ, & Alexii Principis Legati, qui in domo Venetorum Ducis ad congregatos Crucigerorum Principes perorarunt in hunc modum: *Rex, Do-* <sup>Villhard.</sup> *minus noster, mittit ad vos Principem,* <sup>n. 45.</sup>

Tt 4 420-



Sæcul. XIII. uxoris ~~suæ~~ fratrem, quem Dei & vestre  
 A.C. 1202. custodia tradit. Quia enim pro Dei bo-  
 nore, & amore Iustitiæ protectionem  
 militarem suscepistis, vestrum est, Prin-  
 cipes de solio suo ab improbis dejectos, quos  
 potestis restituere. Si huic Principi Im-  
 perium Constantinopolitanum, nempe  
 Hæreditatem Patris sui dederitis, illud  
 ipse imprimis ad Communionem Sacra-  
 Romanæ Sedis reducet, a qua jam diu a-  
 vulsum est. Tum ut sumtus a vobis fa-  
 ctos restituat, ducenta millia marcarum  
 argenti solvet, & omnibus copiis vestris  
 commeatus præstabit. Ipse vobiscum in  
 Aegyptum proficiscetur, aut si potius vo-  
 bis visum fuerit, ad annum unum decem  
 virorum millia, ipsius stipendiis militatu-  
 ra, mittet, & quoad superstes fuerit,  
 quingentis equitibus necessaria suppedita-  
 bit, ad Terram sanctam & ultramarinam  
 custodiendam.

His quæ offerebantur auditis, Cru-  
 cigerorum Principes ad deliberandum  
 fecerunt. Abbas de Vaux Sernai &  
 illa factio, cui semper dividendus exer-  
 citus videbatur, dicebant nunquam se  
 consensuros; quia si his consiliis dare-  
 tur locus, bellum Christianis inferendum  
 esset. Non istud plane sibi propositum  
 fuisse cum e patria excessissent, sed præ-  
 stare in Syriam tendere. Respondebant  
 adversæ partis fautores: *In Syria nihil*  
*efficie-*



efficietis, exemplum capietis ab illis, qui nobis relictis illuc contenderunt. *Ter-* ram sanctam nunquam nisi vires ex Ægypto vel ex Græcia advenerint vindicabimus. Si, quæ bodie fortuna offert, respuimus, posterorum risum & contemtum non effugiemus. Sed nec Abbatibus Cisterciensibus una stabat sententia. Abbas de Lucé in Diœcesi Vercellensi & aliquot alii instabant; universas vires exercitus esse conservandas, & expositas condiciones recipiendas. Contra Abbas de Vaux Sernai, ejusque clientes asseriebant, id non licere, sed petendam esse Syriam. Tandem vicerunt Optimatum præcipui, receptoque fœdere, Alexio Principi favente, statutum, ut intra quatuordecim dies temporis Paschalis ad Crucigerorum castra anno millesimo ducentesimo tertio veniret. Literæ, hæc pacta continentæ, expeditæ & sigillis munitæ sunt, sed haud plures quam duodecim Principes ad ea implenda juramento se adstrinxerunt, nempe Bonifacius Marchio Montisferratensis, Balduinus Comes Flandriæ, Ludovicus Comes Blesensis, Hugo Comes S. Pauli, præter octo alios.

Ubi ad aures Alexii Imperatoris pervenit, nepotem suum a Rege Philippo Sueviæ auxilia impetrasse, ubique hostilem Crucigerorum exercitum imminere,

T t 5

missis

Sæcul. XIII.  
A. G. 1202.



Sæcul. XIII.  
A. C. 1203.

missis ad Innocentium Papam Legatis cum literis rogavit; Crucigeros ab hoc consilio dimoveret, quod si exequerentur, manus utique suas, non sine gravi Dei injuria, Christianorum sanguine polluturos, & partem virium amissuros, quibus universis ad devincendos Infideles indigerent. His addebat; Alexio juveni nullum jus in Imperium Constantinopolitanum esse, quod lucem aspexisset, antequam ejus parens Isaacius Cæsaream Dignitatem fuisset consecutus. Porro solos pueros in purpura natos, id est, a patre jam imperante, legitime succedere, qui se deficerent, non natalium jure, sed electione dignissimos ad Imperium pervenire. Præter alia rescriptit Papa: *Crucigerorum Principes a Philippo Sueviæ ejusque Leviro sollicitati responderunt: se Sacram Sedem consulturos, priusquam tantæ molis negotium aggredierentur, & Cardinalem Petrum S. Marcelli, qui mare cum ipsis trajicere parabat, permoverunt, ut ad nos rediret, ipsosque mentem nostram hac de re edoceret. Is omnia accurate nobis exposuit; postquam vero Legati tui in nostrum conspectum venerint, deliberabimus cum Fratribus nostris, consiliumque, quod tibi displicere haud poterit, capiemus.*

Lib. 5. epist.  
122.]

Quam-



Quamquam etiam complures affirmant, quod votis Crucigerorum benigne acquiescere deberemus, quia haud sane ut par esset Ecclesia Græca Sedi Apostolicæ submissa est. Et post alia: Post Manuelis gloriosæ memoriæ Principis tempora, non ea plane Imperii Græci in nos sunt merita, ut ei favere & succurrere oporteat, cum Antecessores nostri, nosque ipsi, nihil præter verba inania, nullo sequente effectu, a Græcis acceperimus. Nihilominus in spiritu lenitatis vobiscum agere statuimus, hortamurque, ut in posterum saltem toties promissa impleatis, quemadmodum & nos serio magis quam antebac, quod officii nostri est, facturum sumus. Hæc Epistola vigesima sexta die Novembris anno millesimo ducentesimo secundo data.

Sæcul. XIII.  
A C. 1203.  
Biblioth. Vat.  
Ms. 1203. n. 6.

§. L.

Legatio ad Papam in causa Jaderæ urbis.

Crucigeri vero, Jadera capta, ut Pon-  
 tificis animum delinirent, ad eum  
 Nevelonem Episcopum Sueffionensem,  
 Joannem Noviomensem, Balduini Co-  
 mitis Cancellarium, Martinum Abbatem  
 Parisinum in Diœcesi Basileensi duosque  
 Equestri ordinis viros miserunt, quibus  
 Bonifacius Marchio Epistolam deferen-  
 dam

Villhard.  
n. 53.

Gunther.  
p. 367.